

Qamutit motorillit akileraarutaat pillugit Inatsisartut inatsisaat pillugu Namminersorlutik Oqartussat nalunaarutaat

Maanna Qamutit motorillit akileraarutaat pillugit Inatsisartut inatsisaat nr. 3, 16. juni 1987-imeersoq, Inatsisartut inatsisaatigut nr. 17, 30. oktober 1992-imeersukkut, Inatsisartut inatsisaatigut nr. 14, 7. november 2003-meersukkut, Inatsisartut inatsisaatigut nr. 7, 11. november 2004-meersukkut, Inatsisartut inatsisaatigut nr. 14, 2. november 2006-imeersukkut, Inatsisartut inatsisaatigut nr. 18, 18. november 2010-meersukkut, Inatsisartut inatsisaatigut nr. 10, 3. december 2012-imeersukkut kiisalu Inatsisartut inatsisaatigut nr. 22, 18. november 2019-imeersukkut, allannguutitalik nalunaarutigineqarpoq.

§ 1. Qamutit motorillit Kalaallit Nunaanni aqqusinikkut angallannermut inatsit naapertorlugu nalunaarsorneqartussaasut Landskarsimut nakkartussamik akileraartassapput.

Imm. 2. Akileraarummilli akiliisussaangitsut tassaapput:

- 1) qamutit motorillit qatserutit annaassiniutillu,
- 2) napparsimmaveqarfup napparsimasunik angallassissutai,
- 3) qamutit motorillit nunat allamiut aallartitaqarfinit imaluunniit konsuleqarfinit imaluunniit aallartitaqarfimmi sulisunit qallunaatut innuttaassuseqanngitsunit pigineqartut, aammalu
- 4) qamutit motorillit savaatillit tuttuutillillu sulinerannut atorneqartartut, savaateqarfii tuttuuteqarfillu illoqarfii nunaqarfillu avataanni inissisimasut sumiiffinnilu taakkunani qamutit motorillit arlaqanngitsuinnaat pigineqarpata akileraaruteqartussaangitsunut ilanngunneqassasut.

Imm. 3. Qamutit motorillit innarluutilinnik angallassissutit, qamutit toqusut illerfinik assartuutit aammalu qamutit motorillit, aalajangersimasumik ingerlaarfeqarlutik bus-itut atorneqartartut akileraarummik akiliinnginnissaat Naalakkersuisut akuerisinnaavaat.

§ 2. Akileraarutit ukiumut annertussuseqassapput:

- 1) Qamutit motorillit 1.000 kg-t angullugit oqimaassusillit: kr. 6.554.
- 2) Qamutit motorillit 1.001 kg-niit 1.200 kg-t angullugit oqimaassusillit: kr. 10.049.
- 3) Qamutit motorillit 1.201 kg-niit 1.500 kg-t angullugit oqimaassusillit: kr. 10.747.
- 4) Qamutit motorillit 1.501 kg-niit 1.800 kg-t angullugit oqimaassusillit: kr. 15.231.
- 5) Qamutit motorillit 1.800 kg sinnerlugit oqimaassusillit: kr. 17.575.
- 6) Motorcykelit: kr. 3.540.
- 7) Qamutit motorillit nunakkoorutit minnerusut sisamanik amerlanernilluunniit assakaasullit: kr. 2000.

Imm. 2. Qamutitut motorillit, taamaallaat innaallagissamik imaluunniit brintimik ingerlateqartunut, kiisalu plug-in-hybridbiilinit, batterinik innaallagissamik immeqqinneqarsinnaasunik ingerlatilinnut akileraarut ukiumut kr. 6.554-nik annertussuseqarpoq.

Imm. 3. Akileraarut siumoortumik ukiup affakkaarlugu akilerneqartartoq, ulloq 1. april aamma 1. oktober akiligassanngortarpoq aammalu kingusinnerpaamik ulloq 30. april aamma 31. oktober akilerneqassalluni. Piffissaq eqqorlugu akiliiffissaq ulloq kingulleq arfininngorneruppat, sapaataappat imaluunniit nalliuttuuppat, piffissamut killiliussat ulluinnarmut tullermut sivitsorneqassaaq.

Imm. 4. Akileraarutit piffissaagallartillugu akilerneqarsimangippata akileraarutit 500 kr.-nik ilassuserneqassapput.

Imm. 5. Akileraarutitut akiligassat akilerneqanngitsut Kalaallit Nunaanni eqqartuussisarnermi inatsimmi kap. 7, akileraarutit akitsuutillu piumasarineqartut pinngitsaaliinikkut akilersinniarneqarsinnaaneriniq imaqartoq, tassani ilaalluni aningaasat akiligassalimmut tunniunneqartut unerartitsiffiqeersinnaanerit, naapertorlugu akilersinniarneqarsinnaapput.

§ 3. Qamutitut motorillit nalunaarsorsimaffianut nalunaarutiginninnermi, § 4, imm. 2-mi taaneqartut pinnagit, akileraarutit qaammatip nalunaarsorneqarflup 1.- aniit naatsorsorneqassapput. Biilit normuat tunniunneqartinnagu akileraarutit akilerneqareersimassapput.

Imm. 2. Qamutitut motorillit siusinnerusukkut nalunaarsorneqareersimasut nalunaarsortinneqaqqinneranni biilit normuat aatsaat tunniunneqassaaq akileraarutit akiligassanngorsimasut, § 4, imm. 1 naapertorlugu utertinneqarsinnaanngitsut, akilerneqareerpata.

§ 4. Qamutitut motorillit nalunaarsorsimaffiamut atorunnaartutut nalunaarutigineqarpata, akileraarutit akilerneqarsimasut qaammatip atuiunnaarfiup tulliata 1-ianiit utertinneqassapput.

Imm. 2. Qamutitut motorillit nalunaarsorneqarfimmut nalunaarutigeqqinneqarpata, politeeqarfimmi tassani allamiluunniit nalunaarutiginninneq pigaluarpalluunniit, akileraarutit akilerneqarsimasut utertinniarneqarsinnaanngi1lat nalunaarutiginneqqinneq atuiunnaarluni nalunaarnermiit qaammatip ataatsip iluani pisiappat.

§ 5. Akileraarutit akiligassanngortinneqassapput akileraarutit akiligassanngortinneqarfianni qamutit motorillit nalunaarsorneqarfianni piginnittutut nalunaarsorneqarsimasumut.

Imm. 2. Qamutitut motorillit aqqusinnermi angallannermut inatsimmi aalajangersakkat unioqqutillugit nalunaarsuiffimmut nalunaarutigineqarsimangippata, qamutit motorillit nalunaarutigineqarnissaannut pisussaasoq aki leraarutitut akiliisinneqassaaq piffissami qamutit motorillit nalunaarsuiffimmut nalunaarutigineqaratik atorneqarfianni.

§ 6. Akileraarutitut akiliisitsineq akileraaruseriffimmit isumagineqassaaq.

Imm. 2. Qamutitut motorillit nalunaarsorneqartut, taamaatitsinerit, nuunnerit aammalu piginnittup allanngornera il.il. pillugit politiit akileraaruseriffimmut nalunaaruteqartassapput.

Imm. 3. Qamutitut motorillit nalunaarsorneqarsimasut akileraarutaasa akilerneqarsimanginnerannik politiit akileraaruseriffimmit nalunaarfigineqarunik biilit normuat piaarnerpaamik arsaarinnissut igissavaat.

§ 7. Kinaluunniit akileraarusiinissamut, akileraarutit akilernerqarsimasut utertinneqarnissaannut imaluunniit akileraarutit annertussusissaannut naatsorsuinissamut piaaraluni mianersuaalliorujussuarluniluunniit paasissutissiinngitsoortoq imaluunniit eqqunngitsunik paasissutissiisoq akiliisitsinermik pineqaatissinneqassaaq, inatsit naapertorlugu allamik pineqaatissinneqassanngikkuni.

Imm. 2. Aktieselskabi, anpartsselskabi, andelsselskabi assigisaalluunniit unioqqutitsippata selskabi akiliisussanngortinneqarsinnaavoq. Kommune kommunelluunniit ingerlataa unioqqutitsippat, takuuk kommunalbestyrelsit, bygderådit il.il. pillugit Inatsisartut inatsisaanni § 57, kommune kommunelluunniit ingerlataa akiliisussanngortinneqarsinnaavoq.

§ 8. Inatsisartut inatsisaat 1. juli 1987-imiit atuutilissaaq.

Imm. 2. Piffissami 1. juli 1987-imiit 30. september 1987-imut akileraarutit 1. juli 1987-imi akiligassanngortinneqassapput.

Imm. 3. Inatsisartut inatsisaata atuutilerfianiit qamutit motorillit akileraarutaat pillugit Inatsisartut inatsisaat nr. 8 23. oktober 1979-imeersoq kingusinnerusukkut allannguutitalik, atorunnaarsinneqarpoq.

Imm. 4. Inatsisartut inatsisaata matuma piviusunngortinneqarnissaanut maleruagassiat pisariaqartut Naalakkersuisut aalajangersassavaat.

Inatsisartut inatsisaat nr. 17, 30. oktober 1992-imeersoq^[1] ima atulernissamut aalajangersagaqarpoq:

§ 2

Inatsisartut inatsisaat 15. november 1992-imi atuutilissaaq.

Imm. 2. § 1, nr. 1-imiit 4-mut aalajangersakkat 1. april 1993 aallarnerfigalugu atuutilissapput.

Inatsisartut inatsisaat nr. 14, 7. november 2003-meersoq (Akileraarummik qaffaaneq)^[2] ima atulernissamut aalajangersagaqarpoq:

§ 2

Inatsisartut inatsisaat atuutilerpoq ulloq 1. januar 2004, siullermeerlunilu sunniuteqassalluni piffissamut akileraarfusumut 2004-mi 1. april-imiit 30. september-imut, 1. april 2004-mi akilernerqartussanngortussamut.

Inatsisartut inatsisaat nr. 7, 11. november 2004-meersoq (Qamutit motorillit savaateqarfinni tuttuuteqarfinnilu ingerlatsiviusuni il.il. inuussutissarsiutigalugu atorineqartunut akileraarummik akiliinginnissaq)^[3] ima atulernissamut aalajangersagaqarpoq:

§ 2

Inatsisartut inatsisaat 1. januar 2005-miit atuutilissaaq.

Imm. 2. Ukiup affaanut, piffissami 1. aprilimiit 31. december 2004-p tungaanut qamutinik Motoorilinnik pigisalinnut akileraarummik akiliuteqannginnissamut § 1, imm. 2, nr. 4-imi taaneqartunut akiliutigisimasinnaasaannik utertitsisoqassaaq.

Inatsisartut inatsisaat nr. 14, 2. november 2006-imeersoq (Akileraaruserinerup qitiusumiit ingerlanneqalernerata kinguneranik allannguutit aamma nakkutilliinermut maleruagassat erseqqissaateqarfigineri)^[4] ima atulernissamut aalajangersagaqarpoq:

§ 11

Inatsisartut inatsisaat 1. Januar 2007-imi atortuulissaaq.

Inatsisartut inatsisaat nr. 18, 18. november 2010-meersoq (Akileraarummik qaffaaneq)^[5] ima atulernissamut aalajangersagaqarpoq:

§ 2

Inatsisartut inatsisaat 1. januar 2011-miit atuutilissaaq siullermeerutaasumillu atuutsinneqassalluni akitsuutitut piffissarititami 1. april 2011-miit 30. september 2011-p tungaanut, 1. april 2011-mi akiligassannngortussanut.

Inatsisartut inatsisaat nr. 10, 3. december 2012-imeersoq (Oqimaassutsimik agguaneq)^[6] ima atulernissamut aalajangersagaqarpoq:

§ 2

Inatsisartut inatsisaat 1. januar 2013-imiit atuutilissaaq, siullermeerutaasumillu atuutsinneqassalluni akileraarutitut piffissarititami 1. april 2013-imiit 30. september 2013-ip tungaanut, 1. april 2013-imi akiligassannngortussanut.

Inatsisartutlov nr. 22, 18. november 2019-imeersoq (Biilnut innaallagiatortunut aamma plug-in hybridbiilnut akileraarut)^[7] ima atulernissamut aalajangersagaqarpoq:

§ 2

Inatsisartut inatsisaat ulloq 1. januar 2020 atuutilerpoq aammalu siullermeertumik piffissamut akileraaruteqarfusussamut 1. april 2020-miit 30. september 2020-mut, akileraarutip ulloq 1. april 2020 akiligassanngorfiani, atuutissalluni, taamaattoq takuuk imm. 2.

Imm. 2. Nr. 1-imi aalajangersagaq ulloq 1. januar 2021 atuutilerpoq aammalu siullermeertumik piffissamut akileraaruteqarfusussamut 1. april 2021-mit 30. september 2021-mut, akileraarutip ulloq 1. april 2021 akiligassanngorfiani, atuutissalluni.

Aningaasaqarnermut Akileraartarnermullu Naalakkersuisoqarfik , ulloq 18. november 2025

Nikolai Sten Christensen (atsior.)

Pisortaq

/Morten W. Selvejer (atsior.)

[1] Inatsimmut allannguut §§ 2 aamma 4-mut tunngavoq

[2] Inatsimmut allannguut §§ 2-mut tunngavoq

[3] Inatsimmut allannguut §§ 1-imut tunngavoq

[4] Inatsimmut allannguut §§ 6-imut tunngavoq

[5] Inatsimmut allannguut §§ 2-mut tunngavoq

[6] Inatsimmut allannguut §§ 2-mut tunngavoq

[7] Inatsimmut allannguut §§ 2-mut tunngavoq

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut